



ГЛОБАЛЛАШУВ ЖАРАЁНИ ШАРОИТИДА ЁШЛАР ФАОЛЛИГИНИ ОШИРИШ ЙЎЛЛАРИ

ОЧИЛОВА Нигора Рузимуратовна

Иқтисодиёт ва педагогика университети

“Тарих ва Ижтимоий фанлар” кафедраси доценти

АННОТАЦИЯ

Ёшлар маънавий қиёфасида содир бўлган ўзгаришилар мамлакат ичидаги сиёсий вазият барқарорлигини таъминлаш, миллий ва миллатлараро томутувликни сақлаш, инсон ҳуқуқлари ва эркинлигини ҳимоя қилиши, янги жамият барпо этишида глобаллашув жараёнининг ютуқларига таянишга қаратилган кўп қиррали фаолиятда, яқин ўтмишда камситилган миллий муаммоларни ҳал қилишида, хусусан миллий тилни, маданий-маънавий меросни, тарихий хотирани тиклашда ҳам яққол намоён бўлмоқда.

Калим сўзлар: жаҳон тартиботи, ёшларнинг дахлдорлиги ва фаоллиги, миллий ғурур, миллий ўзўзини англаш, урф-одат, диний-ахлоқий, маданий, миллий ва умуминсоний қадриятлар.

ABSTRACT

The changes in the spiritual image of young people are clearly manifested in the multifaceted activities aimed at ensuring the stability of the political situation within the country, maintaining national and interethnic harmony, protecting human rights and freedoms, building a new society, relying on the achievements of the globalization process, solving national problems that were neglected in the recent past, in particular, in restoring the national language, cultural and spiritual heritage, and historical memory.

Keywords: world order, youth involvement and activity, national pride, national self-awareness, customs, religious and moral, cultural, national and universal values

КИРИШ

Фуқаролик жамиятини ривожлантириш жараёнида ёшларнинг ижтимоий фаоллигини оширишнинг йўллари, усуслари, омиллари кўп. Бизнингча, илҳом ва маънавиятнинг моҳиятини англаб, ўзлигини халқ розилиги ва фаравонлигини оширишга бағишлигар инсонларнинг ибрати ҳам таъкидланган усуслардан биридир. Дарвоҷе, ҳаёт ва инсон бор жойда илҳом ҳам бор. Унга умри давомида ҳамма ҳам билиб ё билмай дуч келади. Дуч келганида, борликни тамоман унутиб, шундай завққа тўладики, бу завқдан жуда осонлик билан фақат янгилик туғилади, кашф этилади.

Бундан эса илҳом эгаси шундай хузур, шундай роҳат топадики, у энди шу ҳолатлар ва туйғуларнинг шайдосига айланади. Илҳомни умрнинг мазмунига тенглаштиради, шундангина оромини, тинчини, шодлиги ва баҳтини топади. Фақат уни англаш, барча сирларини эгаллаш ва илҳомни ўзига бўйсундириш ҳаммага ҳам насиб қиласкермайди. Шу сабаб, илҳомдек Аллоҳ неъматининг қудратини эгаллаганлар, унинг “хукмдори”га айланганлар умри – серҳосил, баракали, соф, гўзал, кашфга бой бўлади. Умуминсоний ва умумжаҳоний эзгулик ривожига хисса қўшадиган бўлади. Айни пайтда, чарчашга, узоқ муддат ором топишга имконият бермайди, умрни бесамар ишларга совуришга йўл қўймайди. Бу гапларнинг исботини келтириш учун ҳаммамиз биладиган, барчамиз тан олган ҳаётий бир ибратли мисолни келтирмоқчиман: Халқ билан мулоқот қилиб, инсон манфаатларини ёқлашга киришганимизга 2 йил тўлди. Ана шу йилларда Истиқлолнинг нури туфайли Ўзбекистон ва унинг халқи янги даврга кутлуғ қадам қўйди¹.

МУҲОКАМА ВА НАТИЖАЛАР

Истиқлолнинг эртаси – яхшилик бўлишига барча ишонди.² “Адли эҳсон билан жаҳон гулшани обод бўлади” (Амир Темур) ҳақиқатини халқимиз ўз танасида синаб кўрди. Буларга минглаб далиллар келтириш мумкин ўн йилликлар давомида эришмаган ютуқларга бир йилда эришдик. Бир йилда Ўзбекистонда сиёsat ўзгарди. Ижтимоий иқтисодиёт, маънавият ва маърифат, давлат ҳокимияти вакиллик органларининг янги тизимлари ишга тушди. Буларнинг барчаси мамлакат ва халқни бошқаришнинг санъатини мукаммал эгаллаган, доимо илҳом билан ҳамкорлиқда бунёдкорлик ишларини амалга ошираётган Президентимиз Шавкат Мирзиёев билан мусатаҳкам боғлиқдир.

Унинг барча сарҳисоб қилувчи нутқларида маънавиятнинг яратувчи нури уфуриб туради. Чунки, “Маънавият – инсонни рухан покланиш, қалбан улгайишига чорлайдиган, одамнинг ички дунёси, иродасини бақувват, иймон-эътиқодини бутун қиладиган, виждонини уйғотадиган беқиёс куч, унинг барча қарашларининг мезонидир”³.

Қуёш барча нарсага нурини сочганидек, истиқлол маънавияти ҳам барча ғоявий, иқтисодий, маърифий ҳаракатларимизга ижодий қувват беради, ҳалол ва адолатли ҳаёт кечиришимизга, комилликка эришишимизга нурли имкониятлар яратади. Қалбимизни ҳаракатга солиб, меҳрга, муҳаббатга бой

¹ Таълим технологиялари журнали. 2011 /3 сон

³ Мирзиёев Ш. М. Буюк келажагимизни мард ва олижаноб халқимиз билан бирга курамиз. – Т.: Ўзбекистон, НМИУ, 2017

қиласи, ҳурмат-иззатни, ҳалолу покликни, руҳан юксалиш ва ҳаётдан, турмушдан қониқиши барқарорлайди. Бу ҳақиқатлар ундағи илхомнинг ядросидир. У барчанинг қалбини истиқлол маънавияти нури билан оловлантираётган ва ривож томон, инсонийлик томон, эзгулик томон йўналтираётган раҳнамодир. Ҳар қандай муаммони ҳар томонлама сарҳисоб қилиш илмини эгаллаган, уни адолатли ҳал қилишининг устувор йўлларини кўрсатиб берадиган раҳбари одилдир. Барча ишларнинг чора-тадбирини қўнгил билан топиб ҳал қиласиган раҳбари донишдир. бугунгача тиним билмасдан, яратишдан чарчамасдан фаолият кўрсатаётган бу инсон ҳаммамизни ҳайратга солмоқда, унингдек ишлашга кўпчилигимиз ожизлик қилмоқдамиз. Чунки Президентимиз илхомнинг асосини ҳалқимиз ҳаётидан, унинг маънавиятидан топган. Унинг кўнглидаги зарур, керакли ҳақиқатларни англаб етган, Ўзбекистон ва Ўзбекистонликларнинг дардини тўлиқ ўзлаштира ва қалбан ўзлигига айлантира олган. Ҳалқ билан бу масалаларни илмий-амалий эҳтироси билан куюниб, ёниб баҳам кўрадиган шахсга айланган. Бизнингча, бу ҳислатларнинг барчаси – Илхомнинг сирларини эгаллаб, унга “қўмондонлик” қилаётгани сабаблидир⁴.

Шундагина комил инсонлар сафи кўпаяди, кўпайгани сари Ўзбекистон ва ҳалқимизнинг ҳаёт қувватини ошириб, баркамолликка эришаверади; жаҳон машъалига айланади!⁵ Бундай намунавий ибратнинг қудратини ёшлар ҳам қалбларига сингдирсалар, улардаги фаоллик, ишонч, садоқат янада кучаяди, яхшиликка ўчлик ортади, жаҳоний таъсирга, демакки, инсоний комилликка томон йўл солади. Улуғворликни, илмга асосланган доноликни, буюкликни, барҳаётликни воқе қиласи.⁶

Ҳеч муболағасиз айтиш мумкинки, бугун бутун юртимиз, шу жумладан Агентликнинг ҳам кучи айнан ёшлар, салоҳиятли ва илгор фикрлайдиган, ўз устида тинимсиз ишлайдиган йигит ва қизлардир.

Ислоҳотлар ва ўзгаришлар даврида – ёшларга, уларнинг ўзини намоён қилишига катта имкониятлар яратиб берилмоқда. Лекин, бу имконият – қачон улкан салоҳиятга, мислсиз қудратга айланади – қачонки бизнинг ёшлар қатъият билан ҳаракат қилганда, қунт билан ўқиб-ўрганганда, Она ватан ва ҳалқи олдидаги масъулиятни юракдан ҳис қилиб, шунга муносиб бўлишга интилганда.

⁴ Мирзиёев Ш. М. Буюк келажагимизни мард ва олижаноб ҳалқимиз билан бирга курамиз. – Т.: Ўзбекистон, НМИУ, 2017

⁵ Кодиров П. Ўлар. Тошкент, 1971, – Б.107

⁶ Умурев Ҳ. Илхом. – Тошкент: “Наврӯз”, 2018. – Б.64

Бугунги кунда Агентлик тизимида жами 875 та ходимдан 223 тасини ёшлар ташкил этади (25,5 фоиз). Уларнинг 16 таси ёки 9 фоизи хотин-қизлардир.

30 ёшгача бўлган жами 21 нафар ёшлар турли раҳбар лавозимларда ишламоқда, бундан ташқари Агентликда масъул лавозимларнинг деярли барчасида 30-40 ёшлардаги ҳамкасларимиз меҳнат қилмоқда. Шунга қарамай, биз ёшларни ушбу йўналишда кўпроқ ўз устида ишлашининг, ўз қобилият ва имкониятларини намоён этишининг ва сафимизда кўпроқ ёш раҳбарлар бўлишининг тарафдоримиз. Бунинг учун барча имконият ва шароитларни таъминлаб беришга тайёrmiz.

Марказий аппаратда ёш ходимларимизнинг (39 тадан 14 таси) 36 фоизи 2 тадан чет тилини, 58 фоизи эса рус тилини билиши ижобий ҳолат албатта.

Агентлик тизимида ёш ходимларнинг тажрибасини ошириш мақсадида доимий хизмат сафарларига жалб этилмоқда, ўтган йили 9 нафар ходим хорижий мамлакатларга малака оширишга ва хизмат сафарларига юборилди;

25 нафар ходим Давлат бошқаруви академиясининг малака ошириш курсларида иштирок этмоқда, қайта тайёрлаш ва малака ошириш курсларига юборилмоқда, тез кунларда 200 нафардан ортиқ ходимнинг Корпоратив бошқарув илмий марказида ўқиши учун шароитлар яратилади, уларнинг аксарияти ёшларимиздир.

Ёшлар вакили сифатида Ёшлар иттифоқи бошлангич ташкилоти етакчиси барча ижтимоий тадбирларга фаол жалб қилинмоқда. Агентлик тизимида тузилаётган барча комиссиялар фаолиятида иштироки таъминланмоқда⁷.

АДАБИЁТЛАР РЎЙХАТИ:

1. Мирзиёев Ш. М. Буюк келажагимизни мард ва олижаноб халқимиз билан бирга қурамиз. – Т.: Ўзбекистон, НМИУ, 2017
2. Таълим технологиялари журнали. 2011 /3 сон
3. Қодиров П. Ўйлар. Тошкент, 1971, – Б.107
4. Умурев X. Илҳом. – Тошкент: “Наврӯз”, 2018. – Б.64

⁷ Ш. Мирзиёев. Ёшлар-кучимиз келажагимиз. 2020 й. 30 июн.